

Шогун ах, порылык да гын верг!

Будь готов/

ЯМДЕ ЛИЙ

1933 ий 1 февраль годсек лектеш.

0+



Л.ИВАНОВАН фотогожо.



Фотопроект

Лудса:

3 Марий Турек школьшто «Умелые руки» авиамоделирований кружокым вуйлатыше А.Волковын самолётшо-влак кавашке чонгештеныт. Тидын нерген лудаш темлена.

4 «Эн сай музей» конкурсын регионьсо этапше иктешлалтын. Сеныше-влакым пален налнеда гын, лаштыкнам шергалза.

5 Юнкорна-влак сар жапысе илыш, кугезе коча-коваштын илыш корнышт да суапле пашашт нерген возат.

6 Джой пий, Мурка, Тёма, Лапуля пырыс-влак да моло ныл йолан йолташ-шамыч нерген йоча-влакын возымо заметкылаштым лудса.

ПОДПИСКЕ

«Ямде лий» газетлан электрон ПОДПИСКЫМ ыштен кертыда.

89027382237 номерышке 150 тенгем пыштыза да yamde_lii@mail.ru адресыш лумнердам возен колтыза.

Онлайн подпискым ышташ лиеш: podpiska.pochta.ru сайтыш пурыз.

Рекламе.

Снимкыште Медведево районысо Руэм школын 4-ше классшым тунем пытарыше Юлиана БАЙГУЗИНАМ ужыда. Юлиана ныл ий жапыште ятыр конкурсышко ушнен да сенышыш лектын: «Марий кундем, шумлан пеш поро тый улат» почеламутым сылнын лудмо республикысе конкурс (3-шо вер), М.Джалиль лумеш республикысе инсценировка конкурс (1-ше вер), «Национальный герой-2020» республикысе конкурс (3-шо вер). «Александровский лудмаш» республикысе шанче-практике конференцийште Совет Ушем Герой А.П.Шумелёвлан полеклалтше «Память о герое» шымлымаш пашаж дене сеныше радамыш лектын. «Учителями славится Россия» республикысе шанче-практике конференцийште «Кунам паша чонлан келшыше» пашаже 1-ше вер дене палемдалтын. Юлиана яра жапыште почеламутым, ойлымашым воза.

Марий түням сүретлат



Р.НИКОЛАЕВАН фотожо.

КУЛЬТУРА
НАЦИОНАЛЬНЫЕ
ПРОЕКТЫ
РОССИИ

Российын түрлө кундемже гыч толшо 15 профессионал сүретчым «Марий Эл в образах актуального искусства» всероссийский этнофутуризм пленэр иквереш ушен. Тудо «Культура» нацпроекттын «Творческие люди» регионьсо проектше кышкарыште 10 гыч 23 август марте эрталтеш. Пленэр Марий Элын 100 ияш лүмгечыжлан пөлеклалтын. Мемнан республик гыч И.М.Ямбердов, И.В.Ефимов, С.В.Евдокимов, Г.Н.Петухов, А.А.Санникова ушненыт.

Марий калыкын түвыраже дене палыме лияш маньын, участник-влак Морко районьсо кок түрлө сүан йўдам, Республикысе курчак театрын шындыме «Йўд орол» спектакльым онченит. Шернур район гыч кидмастар Л.В.Веткина да карт В.М.Актуганов дене вашлийыныт, Козьмодемьянск олесе да Шернур посёлкысо музейлашке миеныт. Мастерскойышто пашам ышташ ятыр жап ойыралтеш. Пленэрым сүрет ончер мучашла.

Х.АЛЕКСАНДРОВА.



Ме мўкшым ончена. Вич омартана уло. Ачам дене пырля мыят тунемам. Шикшым колташ полшем, омарта гыч рамым нумалам. Шукерте огыл мўйым тулышна. Мўйжō могай тамле!

Андрей ШУРМЕТОВ.
Татарстан, Агрыз, Пелемеш.

Тамле!

Ожно мўкшым ончышо-влак Мўй спас марте мўйым туленыт. Уке гын вес мўкшотар гыч мўкш-влак мўйым шолыштыт, маньн ойленыт. Тулымеке, мўйым черкышке нангаеныт, вара гына тамлен ончаш лийын.

Ковам Мўй спас кечын мелнам кўштын. Тутло мўй дене ешым сийлен.

Настя ИВАНОВА.
Морко, Коркатово.

Увер

Изинекем эмганен кушшо йоча-влаклан Йошкар-Олаште 130 веран у йочасадым чоненыт. Тушто Марий Эл Республикым Вуйлатыше А.А.Евстифеев лийын. Йочасадыште лифт уло, коридорым, омса-влакым коляске дене пураш кельштарыме. Спортзалым, музык пөлемым, тунемме да медицине кабинет-влакым начар тазалыкан икшыве-влаклан йөнештарыме.

Ок алмаште

Калык уверым түнямбал энгыремышвотышто налаш тўналын. Ме кеч-кушто лийына гынат, Интернетлан көра икте-весе дене кылым кучен кертына. Интернетын уда могоржат уло. Шукерте огыл тунемше-влак книгагудыш коштыныт, книгагым тўткын лудыныт да кужу жаплан шарнен кодыныт. А кызыт Интернетлан көра чылажат – кид йымалнак. Тыгай увер уш-акылыште кужу жаплан огеш кучалт. Йоча-влак, тўнямбал энгыремышвотышто эн пайдалыжым веле лудса. Тудо книгагым садак ок алмаште.

Юлия УСОВА.

Марий Турек посёлко.

Марий Элыште тений тўрнявō-чыжым 5 сентябрь марте погаши ок лий. Законьм пудыртышо-влак-лан – 200-1000 теңге штраф.

19 август гыч 2 сентябрь марте Марий Элысе Роспотребнадзор управлений йоча сату ден тунемме арвер-влакын сай качестван да лўдыкшыдымō улмышт шотышто «шокшо линейым» эртарат. Тыгай телефон номерла дене йынгырташ лиеш: 68-19-44, 8-800-707-61-77, 68-19-21, 68-19-04.

14-16 августышто 9 гыч 15 шагат марте Чарла Кремльыште Мўй спаслан пөлеклалтше ярминга эрталтеш. Мўй да сувенир-влак деч посна емыж ден пакчасаскам налаш лиеш.

29 августышто Э.Сапаев лўмеш Марий кугыжаныш академический опер да балет театрын артистше-влак «Акпатыр» оперым Килемар районьсо «Раздолье» турист комплексыште кава йымалне ончыктат. Мероприятий «Летние сезоны» фестиваль кышкарыште эрталтеш.

Марий Турек район гыч Анатолий Волковым (снимкыште – йоча-влак дене) изи самолёт-влакым погымыжлан республикыште шукын палат. Изи годсек түрлө техникым рончен да угыч поген, тыгак түрлө арверым ыштен. Визымше классыште тунеммыж годымак пошкудыжо-влакын электроплиташтым да молымат ачален. Ялыште икымше телевизор лекмеке, пүтынек рончен огыл гынат, «кутырышо яшлыкын» кузе пашам ыштымыжым умылен да кугыен-влаклан антенным шындаш да кабельым шупшаш полшен.

Латкок ияшыже годым кидышкыже авиамоделирований нерген книга логалын. Тудым лудын лекмеке, пу да кагаз гыч икымше

изи самолётым ыштен. Тунам нимогай пулт лийын огыл, туге гынат самолёт нөлталалтын, икмынар жап южыштат «кечен».

«Жап эртымек, мый почто гоч материл-

ал-влакым за-казат-лаш тўнгалынам. Йўран игече годым мўнгыштў йокрокланаш жап лийын огыл, самолёт, изи пуш, юж кишке-влакын модельыштым ике гыч шонен келыштаренам. Вара йолташ-влак дене пырля самолёт-влакым южыш колтена. А пушем-влак энерыште ийыныт», – шарналта Анатолий Семёнович.



Самолётшо чонештен каваш

Фотом еш архив гыч налме.

А.Волков шочмо ялжым кайык чонештылме кўкшыт гыч ужаш ятыр жап шонен коштын. Видеокамерым, автопилотан видеопередатчикым (спутник гоч виктарап лиеш) налын. Шонемашыже шукталтын – эсогыл кум тўжем утла метр гыч ялжым ужын.

Эше ик йўратыме пашаже – вўд йымалысе илышым видеош войзаш. Пулт полшымо дене саде самолёт-влакым, вўд пурымо деч аралыше яшлыкыш пыштен, 15 метр келгытыш «пурта». Шкежат, маскым чиен, вўд йымаке пура. Садлан кол-влакын кушто илымыштым сайын пала.

Кызыт Марий Турек школ пеленысе «Умелые руки» авиамоделирований кружокым вуйлата. Мастерлыкшым самырык тукумлан пуа, йўратыме пашажлан ўдыр-рвезе-влакым шўманда. 2-7-ше класслаште тунемше 20 утла икшыве коштеш.

Х.АЛЕКСАНДРОВА.

Тўняште эн кугу самолёт – Ан-225 «Мрия». Тўдын нелытше – 591,7 тонн. Самолётым 1984-1988 ийлаште чоненыт. Тўдо грузовойлан шотлалтеш. Эн изи самолёт – 162 килограмман BД-5 Micro. С-5 – эн кужу военный лайнер. Тўдын кужытшо кўд пачашан пўртын гай.

Пўртўс урок

Кенеж мучко авам дене коктын түрлө емыж-саскам погаш коштына. Чодырашке эрденак ошкылына. Тыгодым кече але тунар шокшыжым огеш колто. Шына, пормо огыт витаре. Юж яндар. Вият уло. Емыж верым палена. Писын погена. Саскам погымо годым авам пушенте-влак нерген онайын каласкала.

– Пўртўс урокна эртыш, – воштылына.

Куанен, мўнгў ошкылына.

Настя СЕРГЕЕВА.

Морко, Коркатово.

Кенежым пакчаште

Энж, шемэныж ...

Мые ом пенгыж,

Пенгыжым – теме ленеж ...

Шочын саска лын!

Йўго лиям гын,

Вес ий трук ок тол кенеж?

А.ТИМИРКАЕВ.

Кенежым от пўжалт гын, тельмат от ыре.

Кенежым от пого гын, тельым от му.

Калыкмут.

Ковам деке унала

Авам дене пырля кугезе ковам деке унала мийышна. Тудо ялна деч 6 километр тораште ила. Ковам, капка ончыкшо лектын, мемнам уло кумылын вашлие. «Моткоч вученам», – куанен мане. Кудывечышкыже пуретат, шинчат шарла: могай гына пеледышым ок кушто. Окна ончыло палисадникшат торашке шумеш волгалтеш. Ме крыжовник ден шемэныжым погышна. Мўнгў пўртылмеке, тамле компотым шолтышна.

Фотом еш архив гыч налме.



Костя ШЕХУРДИН.

Шернур, Кукнур Купсола.



2020 ий – Шарнымаш да чап идалык.



Кумытын

Тул йымалне шулдырым
нула шыдештын,
Пытартыш вий кодеш моторынат.
Шарналын шочмо-кушмо мўндыр
вельштым,
Пытартыш мурым рвезе-влак мурат.
«За мир!» – руш рвезе, штурман,
кычкырале,
«Мигра!» – татарже, самырык пилот,
«Мир верч!» – марий
стрелок-радикте мане,
Да пикшла ўлык чымыш самолёт.
Шунгалте тудо вигак танк коклашке,
Пудеште чот, тўням волгалтарен.
Тыге йолташ-влак колышт
кредалмаште, –
Айдеме тукумнажым кодышт утарен.

Геннадий МАТЮКОВСКИЙ.



Фотом школын архивше гыч налме.

Йошкар-Оласе 3-шо номеран школышто 5-10-шо класслаче йоча-влак технологий урокышто проект дене пашам ышташ тунемат. Тушко шкет але тўшкан ушнат. Тений, Шарнымаш да чап идалыкыште, Кугу Ачамланде сарыште сенымашлан 75 ий теммылан пөлеклалтше военный технике-влакым ий мучко кельштарат. Роман Дубинин ден Сергей Жаров танкым ыштеныт. Степан Коробков ден Никита Калашников ИЛ-2 самолётым да «Катюша-БМ-13» миномётым ямдыленыт. Вара «Город юных мастеров» регион-влак кокласе конкурсышко ушненыт. Пашаштым Республикысе руш тўвыра рўдерын кельштарыме ончерыштыже ужаш лийын. Рвезе-влак-лан пырля тунемше йолташышт Владимир Коробков ден Костя Мыцэблинде полшеныт. Нуным снимкыште ужыда. Рвезе-влак 5-ше «А» классым тунем пытареныт.

С.И.КОРОБЕЙНИКОВ,
технологийым тунуктышо.



Историйым шергалына

1799 ий 15 августышто руш полководец А.В.Суворовын вуйлатыме армий Чови ола (Италий) воктене кредалмаште француз войскал кырен шалатен. Итальян поход годым тиде сенымаш ик эн кугулан шотлалтеш.



1939 ий 20 августышто совет войска Монголийым керылт пурышо япон армий вайтареш Халхин-Гол эйр воктене наступленийым тїжалын. Йошкар Армийын сенымашыже Японийын СССР вайтареш сарым тїжалаш шонымашыжым чактарен.



Артём ПЕТРОВЫН
пашаже.

Йошкар-Ола, 19-ше номеран школ.

Мондаш ок лий!

Кеч-могай сар – тиде ойго, шинчавўд, сусыргомаш, ойганымаш, колымаш. Кугу Ачамланде сар годым совет салтак-влак-лан осал тушманым сенаш мыняр нельлыкым чыташ пернен?! Сенымаш корно кужу лийын. Тыныс верч кредалше-влакым ме, самырык тукум, мондышаш огынал.

Настя СТЕПАНОВА.
Морко, Коркатово.

Сенымаш

Шочмо элым аралыше-влакым шарнымашлан пөлеклалтше «Эн сай музей» конкурсын регионьысо этапше иктешлалтын. Тагасымаш Юл кундем федерал округысо «Герои Отечества» мер проект радамыште эртаралтын. Конкурсышко 19 тонеж ушнен. 3-шо вер дене **6-шо номеран Морко школын музейже** палемдалтын. **Морко районысо Коркатово лицейын музейже** кокымшо лийын. **Йошкар-Оласе Т.И.Александрова лўмеш 11-ше номеран лицейын историй тоштерже** (снимкыште) сенгышыш лектын.



Сенымашлан – 75 ий



«Ямде лий» 2020 ий 15 август

Лўм: Виктор Михайлович Коробков.
Шочын: 1929 ий 4 март, Крым АССР, Феодосий ола.

Подвиг: Витя Коробков ачажын вуйлатыме подпольный организационда лийын. Витя гоч моло партизан отряд-влак дене кылым кученыт. Тушман нерген уверым поген, листовкым печатлен да шаркален. Крымысе Эрвел объединенийн 3-шо бригадын разведчикше лийын.



1944 ий 9 мартыште казнитленыт.

Чап: Феодосийыште В.Коробков лўмеш урем, памятник, школ, школ музей улыт.

В.Коробков «За отвагу» медаль дене палемдалтын.

#пионер ГЕРОЙ

2020 ий – Шарнымаш да чап идалык.



Ковам – тылын ветеранже

Ковамым моткоч чот йоратем. Тудын лўмжө – Ирина Семеновна Петрова. Ковам Советский районсо Тошлем ялыште ила. Ирина Семеновна тылын ветеранжылан шотлалтеш. Тудо 90 ийым темен. Мый каже каныш кечын ковам деке унала коштам. Кенезым чодырашке каена, понгым, түрлө емыж-саскам погена, кайык мурым колыштына. Ковам мыланем шуко огай историйым каласкала. Ковамын йоча жапше шучко сар годым эртен. Туге гынат тудо пўрымашыжлан ок өпкеле.



Фотом еш архив гыч налме.

Егор АКТАНАЕВ.
Медведево, Руэм.

Кочам – герой

ФАКТ

Кугу Ачамланде сар мемнан ешыштат кышам коден. Кугезе кочам сенымашым лишемдаш полшен. Тудын лўмжө – Иван Васильевич Горинев. 30 ияш улмыж годым кочам фронтыш каен. Иван Васильевич 348-ше артполкын 141-ше дивизийыштыже служитлен. 1943 ийыште сусырген, да тудым 283-шо моторизированный батальоныш кусареныт. Кочам Польшым утарымаште кредалын, Эльба энгер марте шуын. «Отличный пулемётчик» значок, «За отвагу» медаль, Кугу Ачамланде сарын орденже дене палемдалтын. Мыйын кочам – герой!

Аня ГОРИНОВА.

Кужэгер школ.

Кугу Ачамланде сар жапыште МАССР-ын труженикше-влак 22 миллион утла пуд киндым, 4 миллион пуд паренгым колтеныт.

Фронтышт – колхоз

Кугу Ачамланде сар тўналмеке, икымше тылзыштак ялла гыч чыла гаяк пөръен фронтыш каен. Ёдырамаш, шонгыен да йоча-влак гына кодыныт. Нуно мландым куралыныт, тырмаленыт, шурным үденыт, түредыныт, шудым ямдыленыт. Йоча-влаклан поснак неле лийын. Нунын фронтыштлан колхоз шотлалтын. Паша шуко, а технике лийын огыл. Садлан кид дене пашам ворандараш логалын. Икте плугым кучен, а весе кычкыме ушкалым але ўшкыжым вўден нангаен. Шукташ манын, йўдымат пашам ыштеныт.

Кирилл ЧУМАЕВ.

Параньга, Олор.

Кугезе кочам Николай Михайлович Андреев 1913 ий 9 майыште Марий Турек район Кугу Карлыган ялыште шочын. Кочамын илыш корныж нерген 1944 ий 28 декабрьыште возымо автобиографийже гыч пален налынам. Тудо 1938 ийыште Шернур посёлкысо педучилищым заочно тунем пытарен. 1935-1937 ийлаште Йошкар Армиин радамыште служитлен. 1941 ийыште, Кугу Ачамланде сар тўналмеке, 141-ше стрелковый дивизийын ик взводшым вуйлатен. Вара разведчик лийын. Воронеж фронтысо

Кугешнена, шарнена!

младший лейтенант-влакын курсыштым тунем лектын да ротын командирже, икымше Украин фронтын стрелковый дивизийжын 1142-шо штабшын начальникше лийын. Еш архивыште 1943 ийыште возымо «Кузе вич фашистым пытаренам» серышыже, старший лейтенант Н.Андреевын тактикыже почеш тетрадь, 9-ше учебный взводын спис-кыже аралалгыт.

Лена АНДРЕЕВА.

Марий Турек,
Карлыган.

Сенгымашлан – 75 ий

«Ямде лий» 2020 ий 15 август

5



Ныл йолан йолташна

Поро улыт

Ме суртышто пырыс ден пийым ашнена. Пырыс дене пörтышто модаш йоратем. Тудо мыйын почешем кудалыштеш. Мый дечем шылеш, вара лектеш – кочкаш йодеш. А Джой пийна мыйым кудывечыште койлола шогалын вашлиеш, почшым лупша, опта. Тудат кочкаш йодеш. Ныл йолан йолташем-влакым пукшем, вет нуно пеш поро улыт.

Виктория РЫБАКОВА.
Медведево, Турша.

Йолташым чаманыман

Мый кеч суртысо, кеч чодырасе янлык-влакым пеш йоратем. Тунямбалне суртдымо янлыкше мынар шуко! Нуно орланат. Пörтыштат уке, кочкашат эре ок лий. Ушан шкалан гына. Кажне янлыкын озаже, суртшо лийыт гын, могай сай ыле. Тунам нунат пиалан улмыштым шижит. Йоча-влак, ныл йолан йолташна-влакым чаманыза, нунылан полшыза.

Марианна КУШАКОВА.
Морко, Коркатово.

Залаче



- Шке, - вашешта эрыкан пырыс.
- Öрмаш. Шылан консервым шке почат?!

Йоча-влак,
пийын нелытшым
шотлен лукса.

Пырыс чүчкыдын йүэш – игече пужла.
Лавыртмышлан пий пörдалеш.
Ушкар тупшым пүгырта – йүрлан.

Калык пале.

Кум пырыс

Мемнан уло пырыс шуко,
Йоратат модаш пеш нуно.
Мурка, Тёма, Лапуля.
Нунылан лийже воля.
Иктыже колям куча,
Весе кечыгут мала.
Кумшо мый денем модеш
Да шке семын «Мыр-р» манеш.
Пырыс-влакше мемнанат
Шörым пешак йоратат.
Нуным эркын ниялтем,
Моткоч нуным йоратем.
Оля СТЕПАНОВА.
Морко, Шап Унчо.



Фотосурет: он-архив гыч, калык.



Кызыт пий-влаклан йор-
меш вес лймым пшат.
Дружок, Бобик, Марик, Плузик,
Каштанка лйм-влак мондалтыт.
Чүчкыдын Оскар лймым колаш лиш,
кокымшо верыште – Жасмин. Оливия
лйман пий-влакат вашлиялтыт. Ятыр ет шке пий-
жым Арина, Афродита, Зевс манын лймден.

Палаш онгай

15 август –
Суртдымо янлык-влакым
аралыме тунямбал кече.

1992 ий гыч
август тылзын
кумшо шуматке-
чынже палемдалтеш.



Ныл йолан йолташ-влакым йоратыше волонтер-
шамычым шке радамышкышт ушнаш үжит.

Йошкар-Олаште суртдымо
янлык-влаклан полшышо
«Маленькие друзья с большим
сердцем» фонд пашам ышта.
Поро кумылан ет-влак янлык-
влакым пукшат, эмлат, ашнат.

Кок пырыс вашлийын. Иктыже суртышто ила, весыже эрыкан. Мөнгысö пырыс йодеш:
– Тыланет кочкышым кө ямдыла?



Күтүштö

Кажне кенезым шольым дене коктын кочам дене пырля күтүшкö кошташ йоратена. Шуко жап шокшо игече шогыш. Вольык-влаклан йöсö ыле. Эн ондак нуным пасушто, олыкышто коштыктышна. Вара вүд воктеке наггайышна. Миен шумек, капыштге вүдыш пурышт. Лекмекышт, шудым кочкыч да каналташ возыч.

Илья АНДРЕЕВ.
Кужэнер, Тошто Йүледүр.



«Ямде лий» 2020 ий 15 август

19 август – Олма спас.

Изи озавате

Олма когыльбо

Кijлыт: 5 олма, 150 г ушкар iй, 200 г ложаш, 3 муно, пел стакан сакырложаш 1,5 чай совла разрыхлитель, 1 чай совла ванилин.

Муным чот лугаш. Тушко ушкар iйым, ванилиным, разрыхлительым, сакырложашым ешараш да уш лугаш. Вараложашым пышташ, руаш нугыдо iлбал гайлийшаш. Олмам, тыгыдын пiчкеден, руашым ешараш. Формыш кушкыл iйым йыгаш да ямде руашым опталаш.



Ача-авалан полшем

Кенежым ялыште паша шуко. Ме у пiртым чонена. Садлан ава-ачалан эре полшем: пакчаште вудым шавем, шiкшудым кiрам, кастене вольыкым вашлиям. Сергей шольым дене кажне кечын лудо-влакым эгерыш нангаена да кондена.

Вашке кенеж каныш му-чашке лишемеш, но мый ом ойгыро: уш парт кок-лашке шинчына. Сергей шольым тений икымше клас-сыш тунемаш кая, а мый – 3-шо классыш.

Роман ИШМУРЗИН.

Татарстан, Агрыз, Буймо.



Суреттiн авторы гыч палиме.

20 август – Чебурашкын шочмо кечыже.

Чебурашка кинотеатрыш толын.

– Билет мыняр текеаш?

– Лу теке.

– А мыйын вич теке гына. Пуртыза, мый пел шинчам дене веле ончаш тiнчалам...



Пыл-влак

Каваште пыл-влак ийыт,
Дельфин гай веле койыт.
Кунам пырля вашлийыт,
Тунам йочала модыт.

Кава пасу чылт теңыз
Да кандывуй гай шовыч.
Куржталыт, пiрдыт, шенгыт,
Шiртнен камвозыт, шортыт.

Йоча тунар чот нечке –
Ер наре шинчавудшi.
Эсогыл корно – немыр.
Сургалте шортмо йiкшi.

Ок лий гын шокшо кече,
Кум кече огеш кошко.
Вурсен игечым, кечкыж,
Туфлет ден вел ит тошко.

Вот пыл-влак куржын пытышт.
Кават кечеш волгалте.
Йоча-влак шонанпылым
Скакалкылан руалтышт.

Н.ЗОЛОТАРЁВ.

Кужанер, Уштымбал.

«Ямде лий» 2020 ий 15 август



Суретым чизлте.



Индекс: П4696.

Тираж 900 экз. Заказ

Формат – А-4-8.

Тiн редактор Л.В.СЕМЕНОВА.

https://vk.com/yamde_lii

<https://ok.ru/yamdelii>

E-mail: yamde_lii@mari-el.ru

(документ кагазлан),

yamde_lii@mail.ru

(автор-влаклан)

Сайтын адресше:

yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийште погым да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогымым эскерыше Федеральный службыбн Приволжский федеральный округысо управленийшытже регистрироватлыме.

Номер – ПИ №ФС 18-1999,
2005 ий 10 февральшыте пуымо.

0+

Печатыш пуымо жап –
14-00,
фактически – 13-00

Авторын да редакцийын шонымашышт тiрлi лийын кертыт. Серыш-влак мiнгеш огыт колталт.

Ак – кутырен келшыме почеш.

Редакцийын да издательыне адресше:
424006, Йошкар-Ола, СССР Вооружённый Вийын 70-ше идалькше урем, 20-шо пiрт.
Тел. 8(8362) 45-22-82(факс)



**Пүртүс
лонгаште**

Даниил РОМАНОВ.
Волжский, Ывансола.



Конкурс

Марина ДРУЖИНИНА
ден **Илья ДАНИЛОВ.**
Звенигово, Красногорский.



Галя ТРОФИМОВА.
Морко посёлко.

Синквейн

Кава
Яндар, волгыдо.
Арала, сакла, перега.
Уло тўнн сорааллыкше.
Сандалыкна.
Елена ГРИГОРЬЕВА.
Морко, Шўргыял.

Тушто-влак




*Лапка, но иман.
Тамле, но ок ўншө.*

*Вїр гай йошкарге.
Мїй гай тамле.*




*Ўжарге лийнаам,
изи лийнаам.
Кече йоратен,
мыйым шемемден.*

**Янлык-влакым ўмылкашт
гыч палыза.**



*Лев-влаклан
икте-весьмит
деке кор-
ным
муачи
полшыза.*



Судуку



**Сўретым чын ваш-
мут дене кельшта-
рен чиялтыза.**

● ● ● ● ● ● ●
1 2 3 4 5 6 7

Кроссворд



Шомак-влакым марлаш кусарыза.
1.Нога. 2.Дитя. 3.Брюки. 4.Пешеход.
5.Ступня. 6.Пятка. 7.Пальцы ног.
8.Красный. 9.Свёкла. 10.Красная смо-
родина.

Артём МОЧАЛОВ.
Советский, Ўрша.

**Пушенге ден вондер-влакым лўмышт дене
кельштарыза. Могай пушенге тыште уто?**

Полан Лўмегож Ваштар

